

ձած : Բաղդատած իր անմիջական հարեւաններին հետ՝ նա գտնուում է շատ աննպաստ պայմաններում : Թէ՛ իր տարածութեամբ, թէ՛ բընակիչների թուով եւ թէ՛ տնտեսական ուժով մեր երկիրը շատ եւ շատ յետ է իր հարեւաններից : Դրա հետեւանքով՝ թեթեւ է նաեւ Հայաստանի ազգային-պետական կշիռը : Հայաստանի հողերի եւ բնակչութեան մի զգալի մասը կցուած են հարեւան հանրապետութիւններին : Հայ ժողովուրդի գրեթէ կէսը — չհաշուած արտասահմանը — ապրում է Հայաստանից դուրս :

Հայ ազգային քաղաքականութեան առջեւ դրուած են երբեակ խնդիրներ : Նախ՝ ուժեղացրնել հայութիւնը իր ներկայ հայրենիքում եւ Հայաստանը՝ իր արդէ սահմաններից ներս : Այդ կարելի է անել՝ աճող բնակչութեան յաւելումը ներսը պահելով եւ արտագաղթի առաջն առնելով : Այդ կարելի է եւ սկէտք է անել նաեւ՝ դրսից արեւնակից բազմութիւններ մաս-մաս Հայաստան փոխադրելով : Հայաիւրաւումը հայ ազգային քաղաքականութեան առաջին խնդիրն է : Առանց հայահաւաքման չկայ ո՛չ մշակութային եւ տնտեսական ուժերի, ո՛չ էլ հայկական հողերի կենդրոնացում : Մի զգալի չափով հայահաւաքումը հնարաւոր է անգամ ներկայ Հայաստանում : Նրա այսօրուան սահմաններում իսկ՝ պատերազմից առաջ 200 հազարից աւելի բնակիչ էր ապրում, քան այսօր : Ապա, Հայաստանի ուս եւ թուրք զիւղացիութեան իրաւահաւասար դարձնելով հայ տարրը, եւս 100 հազար բնակչութեան համար տեղ պիտի բացուէր ներկայ Հայաստանում : Այս նշանակում է՝ արդէ սահմաններում եւ նախապատերազմեան տնտեսական չափանիշով իսկ՝ Հայաստան առնուազն 300 հազար բնակիչ աւելի կարող է ունենալ, — բնդամէնը 1 միլ. 200 հազար : Ապա, քոչուորութիւնը աստիճանաբար վերացնելով եւ տրամադրելիք հողեր ունենալով՝ Հայաստան դարձեալ 100 հազար շունչ աւելի կերակրել կարող է, կըրկին հին չափանիշներով : Իսկ եթէ նկատի ունենանք, որ աշխարհիս հետ մեր երկիրն եւս քիչ-շատ առաջադիմում է, որ՝ տնտեսական նորանոր աղբիւրներ են բացուում աստիճանաբար, իսկ դրանք քիչ-շատ ազատ պայմաններում

լուծ շատ աւելի ընդլայնուել կարող են — ճարտարարուեստի զարգացում, զիւղատնտեսութեան կատարելագործում եւայլն — ապա պիտի համոզուինք նաեւ, որ նոր բազմութիւններ ներս ընդունելու կամ բնակչութեան յաւելումը երկրում պահելու հնարաւորութիւնն է ստեղծուած դրանով : Մոռնալու չէ վերջապէս, որ 150 հազար գետեատին ամալի հողեր կան մեր երկրում : Մշակելի դարձնելու պարագային՝ դրանք նուազագոյն 150 հազար աւելի բընակիչ կերակրել կարող են : Եւ արդէն իսկ մաս-մաս կատարուած է այդ աշխատանքը : Կարձ՝ քիչ-շատ տնտեսական խոհական քաղաքականութիւն, բայց նաեւ ազգային առողջ քաղաքականութիւն վարելու պարագային՝ Հայաստան իր ներկայ սահմաններում անգամ՝ նուազագոյն 1½ միլիոն բնակիչ ապրեցնել կարող է : Եւ այդ թիւը նա կ'ունենայ մի 10-15 տարի յետոյ — վերոյիշեալ նախապայմանները կիրառելու պարագային : Հայաստանի բընակչութեան յաւելումը հէնց՝ դեռ 2-3 տարի առաջ 30 հազար էր. մի 2-3 տարի յետոյ էլ նա 50 հազարի կը հասնի : Այդ նշանակում է, որ ժամանակի հետ քաղելով, յար եւ շարունակ կատարելագործելով իր տնտեսութիւնը, Հայաստան մինչեւ իսկ 2 միլիոն բնակիչ ունենալ կարող է : Իսկ դա արդէն ուժ է, թէ ազգային-քաղաքական եւ թէ մշակութային : Նշանակում է ուրեմն՝ արդէ Հայաստանը ո՛չ միայն առհասարակ մեր ազգային քաղաքականութեան ելակէտը պիտի հանդիսանայ, այլ եւ հիմնաւարը, մեր գոյութեան միակ խարխիւսը :

Դրանով պիտի ղեկավարուինք նաեւ՝ մեր ազգ. քաղաքականութեան երկրորդ եւ երրորդ հիմնական խնդիրներին մօտենալիս. — ի՞նչ պէս անենք, որ ապահով վիճակ ստեղծուի ներկայ Հայաստանի համար, որ նա հեռու պահուի նորանոր ցնցումներից : Դա հնարաւոր է, անկախ մեր ներքին կարողութիւններից, համաձայնութեան գետին մշակելով մեր հարեւանների հետ : Այդ ճանապարհով ջանալու է՝ նրանցից յետ ստանալ մեր կապտուած հողերը : Ո՞ր չափով որ դա գոնէ հնարաւոր է : Փոխադարձ հասկացողութեամբ : Մեր հարեւանները գիտնալու են, որ անգամ մեր առաւելագոյն պահանջները իրականացնելու պա-